



INTERNACIONALNI UNIVERZITET U GORAŽDU

# PRAVILNIK

*o provođenju izbora za studentski parlament  
Internacionalnog univerziteta u Goraždu*

Goražde, 2020. godine

Na osnovu čl. 36. Okvirnog Zakona o visokom obrazovanju u BiH („Službeni glasnik 59/07 i 59/09), i člana 53. stav 2. Zakona o visokom obrazovanju u Bosansko-podrinjskom kantonu („Službene novine“ BPK br. 2/10 i 12 /14), čl. 29. st. Statuta, Senat Internacionalnog univerziteta u Goraždu, na sjednici održanoj dana 23. 04. 2020. godine, *donio je*:

## **ODLUKU**

### ***o usvajanju pravilnika o provođenju izbora za studentski parlament Internacionalnog univerziteta u Goraždu***

#### **I**

Donosi se odluka o usvajanju Pravilnika o provođenju izbora za studentski parlament Internacionalnog univerziteta u Goraždu.

#### **II**

Pravilnikom se uređuje se način i procedura izbora za članove Studentskog parlamenta Internacionalnog univerziteta u Goraždu.

#### **III**

Odluka stupa na snagu danom donošenja, a primjenjuje se osmog dana od dana objave na oglasnoj tabli Univerziteta.



Predsjedavajući Senata Univerziteta

dr Sanjin Sokolović

Dostaviti:  
1x imenovani  
1x A/a

Na osnovu čl. 36. Okvirnog Zakona o visokom obrazovanju u BiH („Službeni glasnik 59/07 i 59/09), i člana 53. stav 2. Zakona o visokom obrazovanju u Bosansko-podrinjskom kantonu („Službene novine“ BPK br. 2/10 i 12 /14), čl. 29. st. Statuta, Senat Internacionalnog univerziteta u Goraždu, na sjednici održanoj dana 23. 04. 2020. godine, *donio je*:

## **P R A V I L N I K**

### **o provođenju izbora za studentski parlament Internacionalnog univerziteta u Goraždu**

#### **Član 1.**

Ovim Pravilnikom uređuje se način i procedura izbora za članove Studentskog parlamenta Internacionalnog univerziteta u Goraždu.

#### **Član 2.**

Pravo da bira i bude biran za člana Studentskog parlamenta Univerziteta ima svaki redovan student osnovnih studija, diplomskih akademskih studija-master, specijalističkih i doktorskih studija, u skladu sa Zakonom o visokom obrazovanju Bosansko-podrinjskog kantona, Statutom i drugim općim aktima Univerziteta.

#### **Član 3.**

Izbor članova Studentskog parlamenta Univerziteta održava se svake akademske godine, prema potrebi, a može se vršiti izbor također prema potrebi i više puta prema potrebama radi nesmetanog funkcionisanja studentskog predstavničkog organa.

#### **Član 4.**

Studentski parlament Univerziteta ima određen broj članova u skladu sa Statutom studentskog parlamenta.

#### **Član 5.**

1. Rektor Univerziteta imenuje Univerzitetsku izbornu komisiju.
2. Studentska vijeća fakulteta predlažu studente članove komisije.
3. Komisija Univerziteta odlučuje većinom od ukupnog broja članova komisije.
4. Kandidat za člana Studentskog parlamenta Univerziteta ne može biti član fakultetske, ni univerzitetske izborne komisije.

#### **Član 6.**

1. Izbor za Studentski parlament Univerziteta raspisuje Rektor Univerziteta.
2. Odlukom o raspisivanju izbora određuje se broj članova Studentskog parlamenta Univerziteta i period u kome se moraju održati izbori.
3. Danom raspisivanja izbora počinju teći rokovi za vršenje izbornih radnji.
4. Odluka o raspisivanju izbora dostavlja se Studentskom parlamentu Univerziteta.

5. Odluka o terminu izbora dostavlja se Univerzitetnoj izbornoj komisiji najkasnije 7 dana prije održavanja izbora, u pisanoj formi. U suprotnom, izbori će se smatrati nevažećim.

#### **Član 7.**

1. Izbori za Studentski parlament mogu se održati najranije 28 dana od dana raspisivanja izbora.
2. Od dana raspisivanja izbora do dana predaje kandidatura mora da protekne najmanje 14 dana.
3. Od isticanja liste kandidata do dana održavanja izbora mora da protekne najmanje 14 dana.

#### **Član 8.**

1. Prilikom izbora za Studentski parlament Univerziteta, Univerzitet predstavlja jednu izbornu jedinicu.
2. U slučaju da Univerzitet ima više odeljenja na različitim lokacijama, može se formirati više glasačkih mjesta u okviru iste izborne jedinice.

#### **Član 9.**

1. Spisak studenata koji vodi studentska služba Univerziteta ujedno je i birački spisak.
2. Studentska služba i izborna komisija Univerziteta brinu se o potpunosti i tačnosti podataka u biračkom spisku.
3. Student može izvršiti uvid u birački spisak na Univerzitetu.
4. Ukoliko student smatra da postoje nepravilnosti u biračkom spisku, student ima pravo da podnese prigovor izbornoj komisiji Univerziteta, najkasnije 3 dana pre zaključenja spiska.
5. Izborna komisija Univerziteta dužna je da donese odluku u roku od 2 dana, a najkasnije do zaključenja spiska.
6. Birački spisak zaključuje se 7 dana prije održavanja izbora za članove Studentskog parlamenta.
7. Ispravke biračkog spiska nakon zaključenja moguće su samo na osnovu odluke Univerzitetne izborne komisije.

#### **Član 10.**

1. Izbori za Studentski parlament Univerziteta održavaju se istovremeno sa izborima za Studentska vijeća fakulteta. Izbori traju jedan radni dan, u periodu od 09 do 19 časova.
2. Izbori se održavaju u odgovarajućem prostoru Univerziteta, na šta saglasnost daje Univerzitetna izborna komisija.

#### **Član 11.**

Svaki student glasa lično i u toku održavanja izbora može glasati samo jedanput.

#### **Član 12.**

1. Univerzitet štampa glasačke listiće na bosanskom jeziku latiničnim pismom, odnosno izuzetno na jeziku nacionalne manjine ili na stranom jeziku pod uslovom da Univerzitet ima akreditovan bar jedan studijski program na tom jeziku.
2. Glasački listići se ovjeravaju pečatom Univerziteta.
3. Prije početka izbora objavljuje se ukupan broj ovjerenih glasačkih listića i unosi se u zapisnik.

#### **Član 13.**

Glasački listić za članove Studentskog parlamenta Univerziteta sadrži:

- Konstataciju da se glasa za članove Studentskog parlamenta Univerziteta sa danom izbora;
- Upustvo za glasanje i način glasanja, kojim se precizira na koji način i za koliko maksimalno kandidata student može da glasa;
- Redni broj koji se stavlja ispred imena kandidata;
- Ime i prezime kandidata, studijski program i godinu studija.

#### **Član 14.**

1. Prije preuzimanja glasačkih listića student saopštava izbornoj komisiji svoje lično ime i prezime.
2. Identitet dokazuje indeksom, studentskom identifikacionom karticom, ličnom kartom, pasošem ili vozačkom dozvolom.
3. Pri preuzimanju listića student se potpisuje pored svog imena u biračkom spisku, a član izborne komisije zaokružuje broj pored imena.

#### **Član 15.**

1. Izbori za Studentski parlament mogu imati dva izborna kruga.
2. Za prvi izborni krug postoji izborni cenzus koji iznosi 5% od ukupnog broja studenata sa pravom glasa na fakultetu.
3. Ukoliko na izbore za Studentski parlament ne izađe potreban broj studenata, izbori se ponavljaju za 7 dana.
4. Za drugi izborni krug ne postoji cenzus.

#### **Član 16.**

1. Za člana Studentskog parlamenta Univerziteta može se kandidovati svaki student koji prikupi najmanje 1% potpisa od ukupnog broja studenata koji imaju pravo glasa na izborima, a ne manje od 15 potpisa studenata.
2. Student ima pravo da potpisom podrži kandidaturu maksimalno onoliko studenata koliko njegov matični fakultet ima članova u Studentskom parlamentu Univerziteta.

#### **Član 17.**

1. Izbore provodi Univerzitetska izborna komisija.
2. Fakultetska izborna komisija neposredno provodi glasanje na biračkom mjestu, prikuplja kandidature, obezbjeđuje pravilnost i tajnost glasanja i brine se o održavanju reda na biračkom mjestu za vrijeme glasanja.
3. Univerzitetska izborna komisija prati i vrši kontrolu izbornog postupka i odlučuje po prigovorima, i po pravilu, na licu mjesta provodi kontrolu samih izbora.

#### **Član 18.**

1. Kandidature se podnose izornoj komisiji Univerziteta.
2. Kandidatura sadrži ime i prezime studenta, naziv fakulteta, studijski program, godinu studija i prosječnu ocjenu studija (osim za studente prve godine), biografiju i spisak sa potpisima podrške kandidaturi.
3. Izborna komisija fakulteta po prijemu kandidature za Studentski parlament Univerziteta dostavlja kopiju kandidature Univerzitetskoj izornoj komisiji, najkasnije 7 dana prije termina određenog za održavanje izbora.

#### **Član 19.**

1. Podnosiocu kandidature izborna komisija izdaje potvrdu o prijemu kandidature sa naznačenim danom i satom.
2. Po isteku roka za podnošenje kandidatura, lista kandidata se dostavljaju Univerzitetskoj izornoj komisiji i na vidan način se ističu na internet stranici Univerziteta i oglasnoj ploči Univerziteta.

#### **Član 20.**

1. Svaki kandidat ima pravo da na prigodan način obavijesti studente svog fakulteta o svojoj kandidaturi, svom programu i aktivnostima.
2. Univerzitet je dužan da studentima stavi na raspolaganje materijal u kome su na ravnopravan način predstavljeni svi kandidati.
3. Na dan izbora zabranjeno je dijeljenje propagandnog materijala u blizini manjoj od 200 metara od sjedišta Univerziteta, odnosno 200 metara od fakulteta koji je van sjedišta Univerziteta.

#### **Član 21.**

1. Po završenom glasanju Univerzitetska izborna komisija, pristupa utvrđivanju rezultata glasanja.
2. Izborna komisija fakulteta na samom početku utvrđuje broj neupotrijebljenih glasačkih listića i stavlja ih u posebne koverte koje pečati.
3. Na osnovu biračkog spiska fakultetska izborna komisija utvrđuje broj studenata koji su glasali i potom otvara biračku kutiju.
4. Važeći listići se odvajaju od nevažećih.

5. Nevažeći je glasački listić sa koga se ne može utvrditi za koga je birač glasao i onaj glasački listić na kom je zaokruženo više od 09 kandidata.
6. Podaci o broju studenata koji su glasali i broju nevažećih glasačkih listića se unose u zapisnik.

#### **Član 22.**

1. Izborna komisija Univerziteta utvrđuje rezultate glasanja za Studentska vijeća fakulteta i Studentski parlament Univerziteta i unosi ih u zapisnik.
2. U prebrojavanju glasova za Studentski parlament Univerziteta može da učestvuje član Univerzitetske izborne komisije.
3. U zapisnik se unose i eventualne primjedbe izborne komisije fakulteta i članova Univerzitetske izborne komisije ukoliko je prisutan.
4. Zapisnik o radu izborne komisije Univerziteta potpisuju svi članovi komisije i ukoliko je prisutan, član Fakultetske komisije.
5. Zapisnik o toku glasanja i utvrđivanju rezultata sačinjava se u tri primjerka od kojih jedan zadržava izborna komisija fakulteta, jedan se odmah uručuje Univerzitetskoj izbornoj komisiji, a jedan postavlja na oglasnu ploču Univerziteta.

#### **Član 23.**

Ukoliko je ukupan broj glasačkih listića u kutiji veći od broja studenata registrovanih da su pristupili glasanju, izborna komisija fakulteta je dužna da konstatuje nepravilnost i obavijesti Univerzitetsku izbornu komisiju koja odlučuje o regularnosti izbora.

#### **Član 24.**

Rezultate izbora objavljuje Univerzitetska izborna komisija najkasnije 48 sati od zatvaranja biračkih mjesta na oglasnoj ploči Univerziteta i internet stranici Univerziteta.

#### **Član 25.**

1. Prigovor na regularnost izbornog postupka i rezultata izbora može podnijeti svaki student Univerzitetskoj izbornoj komisiji u roku od 24 sata od objavljivanja rezultata izbora.
2. Univerzitetska izborna komisija je dužna da u roku od 72 sata od isteka roka za podnošenje prigovora odluči o podnešenim prigovorima.
3. U navedene rokove za podnošenje prigovora i odlučivanje o prigovorima ne računaju se vikend i neradni dan.

#### **Član 26.**

1. Članove Studentskog parlamenta Univerziteta izabrani su oni kandidati koji su osvojili najviše glasova u skladu sa članom 4. ovog Pravilnika.
2. Ukoliko poslednji kandidat u okviru kvote ima isti broj glasova sa jednim ili više kandidata, pristupa se drugom izbornom krugu.
3. Drugi izborni krug se održava za 7 dana.

**Član 27.**

Konstitutivnu sjednicu Studentskog parlamenta saziva predsjednik prethodnog saziva Parlamenta najkasnije do 15.maja, u suprotnom sjednicu saziva Rektor Univerziteta.

**Član 28.**


Izmjene i dopune Pravilnika donose se na sjednici Vijeća fakulteta i Senata Univerziteta na kojima prisustvuju predstavnici studenata, u skladu sa Zakonom o visokom obrazovanju Bosansko-podrinjskog kantona i Statutom Internacionalnog univerziteta u Goraždu.

**Član 29.**

Pravilnik stupa na snagu osmog dana od dana donošenja.



Predsjedavajući Senata Univerziteta

  
dr. Sanjin Sokolović

Broj: 03-34/20

U Goraždu, 23. 04. 2020. godine,